



第三六九册

四庫全書

● 上海古籍出版社

本冊目次

左傳紀事本末

平臺紀略
附東征集

清高士奇撰……………一

清藍鼎元撰……………五五七

欽定四庫全書

史部
左傳紀事本末卷一至四

詳校官侍講學士臣平恕

編修臣張謙履勛

總校官庶吉士臣何思鈞

校對官中書臣李 蔡

膠錄監生臣沈安邦

欽定四庫全書

史部三

左傳紀事本末目錄

紀事本末類

卷一

王昭交魯

卷二

桓王伐鄭

卷三

欽定四庫全書

左傳紀事本末目錄

王臣之事

王朝交列國 定靈婚
齊附 諸侯朝 王併附

卷四

王室庶孽之禍

魯

卷五

隱公嗣國

桓公篡
弑附

卷六

魯與列國通好

宋衛 共
姬之節 附

卷七

文姜之亂 莊公志
仇附

卷八

列卿嗣世 孟孫 叔孫 季孫
臧孫 子叔氏

卷九

三桓弱公室

卷十

魯陪臣交叛 南朔 陽虎
侯犯 公孫宿

欽定四庫全書

左傳紀事本末
目錄

卷十一

魯與邾莒構怨 魯伐滅小國
小國來伐亦附

卷十二

小國交魯 戎狄兵
好俱附

卷十三

郊祀雩祭 早而不雩見災
異 視朔附

卷十四

城築蒐狩

卷十五

孔子仕魯 仲由 冉求
端木賜 高柴

齊

卷十六

齊滅紀

卷十七

齊襄公之獄

卷十八

欽定四庫全書

左傳紀事本末
目錄

齊桓公之伯

卷十九

齊五公子爭立

卷二十

靈景經畧小國 晏子相
齊附

卷二十一

崔慶之亂

卷二十二

陳氏傾齊

晉

卷二十三

曲沃併晉

卷二十四

晉滅虜虢

驪姬之亂
惠懷之立

卷二十五

晉文公之伯

襄公繼
伯附

欽定四庫全書

左傳紀事本末
目錄

卷二十六

晉楚爭伯

靈公至厲公
楚莊王國伯附

卷二十七

晉景楚共爭伯

厲公鄆陵
之戰附

卷二十八

秦晉交兵

卷二十九

晉悼公復伯

卷三十

晉楚弭兵

卷三十一

晉卿族廢興

卷三十二

晉并戎狄

長狄
附

卷三十三

晉失諸侯

欽定四庫全書

左傳紀事本末
目錄

宋

卷三十四

宋殤閔昭公之弑

卷三十五

宋襄公圖伯

卷三十六

宋公族廢興

魚石之亂
子罕之賢
華向之亂
樂大心辰地之亂
桓魋之亂
大尹

景公滅曹
之亂
內附

衛

卷三十七

衛州吁宣姜之亂懿公亡國 懿公定狄難附

卷三十八

甯武子弭晉難

卷三十九

孫甯廢立

卷四十

欽定四庫全書

左傳說事本末

六

衛靈公之立

賈輒父子爭國 齊豹之亂 南子之寵附

鄭

卷四十一

鄭莊強國克段 入許 諸公子爭國附

卷四十二

鄭穆公之立靈公傷公之弑附

卷四十三

鄭滅許

卷四十四

子產相鄭西宮純門之難 諸臣典廢附

楚

卷四十五

楚伐滅小國成王之 滅附

卷四十六

楚諸令尹代政武王以後 靈王以前

卷四十七

欽定四庫全書

左傳說事本末

七

楚靈王之亂

滅陳蔡平 王得國俱附

卷四十八

昭惠復興楚國白公之亂 惠王滅陳附

吳

卷四十九

吳通上國季札讓 國附

卷五十

闔閭入郢

卷五十一

勾踐滅吳

秦

卷五十二

穆公伯西戎

列國

卷五十三

春秋災異

欽定四庫全書

左傳紀事本末

臣等謹案左傳紀事本末五十三卷

國朝高士奇撰士奇字澹人錢塘人居平湖以諸生授詹事府主簿改翰林侍讀歷官詹事歸里即家拜禮部侍郎謚文恪此書仿宋表樞通鑑紀事本末之例排纂左傳所載列國事蹟分門件繫以便觀覽其例有曰補逸則雜採諸子史傳與左氏相表裏者曰考異則與左氏異詞可備參訂者曰辨誤則糾其傳聞失

實蹟駁不倫者曰攷証則取有依据可為典

要者又時附以已見謂之發明凡周四卷魯

十一卷齊七卷晉十一卷宋三卷衛四卷鄭

四卷楚四卷吳三卷秦一卷列國一卷目各

如其卷之數自宋以來學者以左傳敘事隔

涉年月不得其統往往為之詮次類編其見

於史志者有楊均葉清臣宋敏修黃穎周武

仲勾龍傳桂續呂祖謙陳持章沖徐得之孫

欽定四庫全書

左傳紀事本末

調楊泰之毛友徐安道孫范等諸家今其書

多亡佚不傳中如呂祖謙之左傳類編雖尚

散見永樂大典中而簡略失次且多脫闕未

為善本惟章沖左氏事類始末全書尚存其

體亦頗與士奇所撰相近蓋士奇未見沖書

故復為之然沖書以十二公為紀此則以國

為紀義例略殊又沖書門目太傷繁碎且於

左氏原文頗多裁損至有裂句摘字聯合而

成者士奇則大事必書而略於其細眉目朗
晰尋文易知雖其詳備不及沖書而部居州
次端緒可尋於讀史者亦未嘗無所助也
乾隆四十三年六月恭校上

總纂官_臣紀昀_臣陸錫熊_臣孫士毅
總校官_臣陸費墀

欽定四庫全書

左傳紀事本末

十

凡例

一左氏之書雖傳春秋實兼綜列國之史茲用宋袁樞
紀事本末例凡列國大事各從其類不以時序而以
國序

一首王室尊周也次魯重宗國也春秋之所託也次齊
晉崇霸統也次宋衛鄭三國皆為與國其事多且春
秋中之樞紐也次楚次吳越其國大其事繁後之者
黜其僭也次秦志其代周且惡之也陳蔡曹許諸小
國散見於諸大國之中微而畧之也晉楚之爭霸俱
詳晉事中晉為主楚為客也

欽定四庫全書

左傳紀事本末

一書凡左氏傳文罕有所遺或有一傳而闕涉數事
者其文不得不重見則隨其事之所主為文之詳畧
一三代秦漢之書經史諸子雜出繁多其與左氏相表
裏者皆博取而附載之謂之補逸其與左氏異同迥
別者並存其說以備參伍謂之攷異其有踏駁不倫
傳聞失實者為釐辨之謂之辨誤其有證據明白可

為典要者別而誌之謂之攷證參以管見聊附臆說
謂之發明云

欽定四庫全書

左傳紀事本末
凡例

欽定四庫全書

左傳紀事本末卷一

詹事府詹事高士奇撰

王朝交魯

隱公元年秋七月天王使宰咺來歸惠公仲子之貽緩
且子氏未薨故名天子七月而葬同軌畢至諸侯五月
同盟至大夫三月同位至士踰月外姻至贈死不及尸
弔生不及哀豫凶事非禮也 十二月祭伯來非王命

欽定四庫全書

左傳紀事本末
卷一

也 三年春王三月壬戌平王崩赴以庚戌故書之

秋武氏子來求賻王未葬也 六年冬京師來告饑公
為之請糴於宋衛齊鄭禮也 七年初戎朝於周發幣
於公卿凡伯弗賓冬王使凡伯來聘還戎伐之於楚丘
以歸

補
九年天王使南季來聘
有經
逸傳

穀梁傳曰聘諸侯非正也

桓公四年夏周宰渠伯糾來聘父在故名 五年天王

使仍叔之子來聘仍叔之子弱也

攷 異穀梁傳曰任叔之子者錄父以使子也

八年冬祭公來遂逆王后於紀禮也 九年春紀季姜

歸於京師凡諸侯之女行唯王后書 十五年春天王

使家父來求車非禮也諸侯不貢車服天子不私求財

莊公元年秋築王姬之館于外為外禮也

補 莊公元年王使榮叔來錫桓公命有經無傳

穀梁傳曰錫命非正也生不服死追錫之不正甚矣

欽定四庫全書

左傳紀事本末

三年夏五月葬桓王緩也

攷 異穀梁傳曰改葬也

十一年冬齊侯來逆共姬

補 按魯主王姬之嫁舊矣故桓公之娶王姬亦逆于

魯蓋魯為王室懿親也

補 二十三年祭叔來聘有經無傳

穀梁傳曰天子之內臣也不正其外交故不與使也

僖公三十年冬王使周公閑來聘饗有昌歜白黑彤鹽

辭曰國君文足昭也武可畏也則有備物之饗以象其

德薦五味羞嘉穀鹽虎形以獻其功吾何以堪之 東

門襄仲將聘于周遂初聘于晉 文公元年春王使內

史叔服來會葬 夏四月丁巳葬僖公 王使毛伯衛

來錫公命叔孫得臣如周拜 五年春王使榮叔來含

且贈名昭公來會葬禮也 八年秋襄王崩 冬穆伯

如周弔喪 九年春毛伯衛來求金非禮也不書王命

未葬也 二月莊叔如周葬襄王 十年秋七月及蘇

欽定四庫全書

左傳紀事本末

子盟于女栗頃王立故也 宣公九年春王使來徵聘

夏孟獻子聘于周王以為有禮厚賄之 十年秋劉康

公來報聘

補 國語定王八年使劉康公聘于魯發幣于大夫季

文子孟獻子皆儉叔孫宣子東門子家皆侈歸王問

魯大夫孰賢對曰季孟其長處魯乎叔孫東門其亡

乎若家不亡身必不免王曰何故對曰臣聞之為臣

必臣為君必君寬肅宣惠君也敬恪恭儉臣也寬所

以保本也肅所以濟時也宣所以教施也惠所以和民也本有保則必固時動而濟則無敗功教施而宣則徧惠以和民則阜若本固而功成施徧而民阜乃可以長保民矣其何事不徹故所以承命也恪所以守業也恭所以給事也儉所以足用也以敬承命則不違以恪守業則不懈以恭給事則寬于死以儉足用則遠于憂若承命不違守業不懈寬于死而遠于憂則可以上下無隙矣其何任不堪上任事而徹下

欽定四庫全書

左傳紀事本末

四

能堪其任所以為令聞長世也今夫二子者儉其能足用矣用足則族可以庇二子者侈侈則不恤匱匱而不恤憂必及之若是則必廣其身且夫人臣而侈國家弗堪亡之道也王曰幾何對曰東門之位不若叔孫而泰侈焉不可以事二君叔孫之位不若季孟而亦泰侈焉不可以事三君若皆早世猶可若登年以載其毒必亡十六年魯宣公卒赴者未及東門氏來告亂子家奔齊簡王十一年魯叔孫宣伯亦奔齊

成公五年十一月己酉定王崩 八年秋七月名桓公來賜公命 襄公二十八年冬十一月癸巳天王崩未來赴亦未書禮也 十二月王人來告喪問崩日以甲寅告故書之以微過也

補定公十四年天王使石尚來歸服 有經無傳

穀梁傳服者何也俎實也祭肉也生曰服熟曰膳其辭石尚士也何以知其士也天子之大夫不名石尚欲書春秋諫曰久矣周之不行禮于魯也請行服貴

欽定四庫全書

左傳紀事本末

五

復正也

哀公十九年冬叔青如京師敬王崩故也

臣士奇曰昔周公夾輔兩朝有大勲勞于王室伯禽封魯土田附庸倍敦諸姬號稱望國王后王女之歸皆得主之是周之最親莫如魯而魯所宜冀戴者莫如周也十二公歷年二百四十而王朝交魯書來聘者七錫命者三歸服者一賜喪者四金車赴告之役不與焉亦綦勤矣乃述職之紀終春

秋世僅傳再朝王所成一如京師又因伐秦而往
非真有就日之誠者其執禮殷勤曾不及事齊晉
之萬一何其慢也夫時至戰國權詐相高君臣名
分之際等弁髦矣乃齊威一朝周而天下翕然賢
之幾于復伯況春秋時共主悉臣之義猶在人心
也使魯能總帥諸姬勤修聘覲之禮天下其孰敢
不謹臣節而王室不重于九鼎哉春秋紀王禮之
隆所以深著魯侯之慢也雖然魯固有罪而王亦

欽定四庫全書

左傳紀事本末

卷一

未為得也夫刑賞者王者馭天下之大柄賞僭而
人不服猶刑濫而人不懼也周自平王之東子奪
廢置天下所共聽觀而所首加恩者乃一文手之
仲子與弑逆之桓公至不朝者貶爵削地之罰不
加而生則崇其號沒猶顯其稱其他辱臨魯庭者
非私交之朋比則取求之無厭也來而不往安知
魯之不有以窺其間而愈以長驕益情哉使當時
能正仲子之名問為氏之故則三綱九法名義昭

然魯且震懼之不暇不待徵聘而春秋冠帶相望
于周京矣故曰魯固有罪而周亦未為得也載攷
十二公自隱及僖周魯之往來猶數文宣以後乃
益寥寥蓋其時三家漸強專制魯國彼不知有公
安知有王修聘于王室者愈罕而王禮亦因之以
倦焉上下之交于是息矣

欽定四庫全書

左傳紀事本末

卷一

左傳紀事本末卷一

欽定四庫全書

左傳紀事本末卷二

詹事府詹事高士奇撰

桓王伐鄭

隱公三年鄭武公莊公為平王卿士王貳于虢鄭伯怨王王曰無之故周鄭交質王子狐為質于鄭鄭公子忽為質于周王崩周人將畀虢公政四月鄭祭足帥師取溫之麥秋又取成周之禾周鄭交惡君子曰信不由中

欽定四庫全書

左傳紀事本末

卷二

質無益也明恕而行要之以禮雖無有質誰能間之苟有明信澗谿沼沚之毛蘋蘩蕰藻之菜筐筥錡釜之器潢汙行潦之水可薦于鬼神可羞于王公而況君子結二國之信行之以禮又焉用質風有采蘩采蘋雅有行葦洞酌昭忠信也六年鄭伯如周始朝桓王也王不禮焉周桓公言于王曰我周之東遷晉鄭焉依晉鄭以勸來者猶懼不說況不禮焉鄭不來矣八年夏虢公忌父始作卿士于周八月丙戌鄭伯以齊人朝王禮

欽定四庫全書

左傳紀事本末

卷二

也十一年王取鄆劉蔿邾之田于鄭而與鄭人蘇忿生之田溫原絺樊隰郕攢茅向盟州陘隕懷君子是以知桓王之失鄭也怒而行之德之則也禮之經也已弗能有而以與人人之不至不亦宜乎桓公五年王奪鄭伯政鄭伯不朝秋王以諸侯伐鄭鄭伯禦之王為中軍虢公林父將右軍蔡人衛人屬焉周公黑肩將左軍陳人屬焉鄭子元請為左拒以當蔡人衛人為右拒以當陳人曰陳亂民莫有鬬心若先犯之必奔王卒顧之必亂蔡衛不枝固將先奔既而萃于王卒可以集事從之曼伯為右拒祭仲足為左拒原繁高渠彌以中軍奉公為魚麗之陳先偏後伍伍承彌縫戰于繡葛命二拒曰旂動而鼓蔡衛陳皆奔王卒亂鄭師合以攻之王卒大敗祝聃射王中肩王亦能軍祝聃請從之公曰君子不欲多上人況敗陵天子乎苟自救也社稷無隕多矣夜鄭伯使祭足勞王且問左右七年夏盟向求成于鄭既而背之秋鄭人齊人衛人伐盟向王遷盟向之民

于郟

臣士奇曰鄭桓公死驪山之亂其子武公及武公之子莊公相繼為王朝卿士國于虢郟之間無遠天室周之東遷固嘗依之其地親而功大誠難遽泯平王暱于虢公欲授之政周人不能裁以大義卒踐其言此交惡之所由始也夫臣子之于君父信而見疑忠而被疎則益負罪引惡積其忠誠以冀一旦之悔悟而已乃上下相要愛子出質君臣

欽定四庫全書

左傳紀事本末

三

之分等子敵國左氏直稱周鄭蓋深疾鄭伯之不臣也及虢公柄用祭仲悍然稱麥禾之戎目中尚有天子耶春秋世諸侯放恣而用兵王室者自鄭莊始滅理犯分甘舉父祖之勤勞而盡棄之悖已甚矣桓王繼立銜麥禾之怨來朝不答固失不念舊惡之義與善鄭以勸來者之權取鄆劉為邲之田而償以所必不得桓王所以處鄭者誠不能無過乃鄭遂鞅鞅廢述職之禮曾不思要言質子取

麥取禾敢施之天子不顧其難堪王禮少不愜意而以無禮報之臣誼之謂何至天子總帥六師問罪境上不歸死司寇頓首伏辜遽興師而與之抗逞子元之狡謀縱祝聃之狂矢向使王不能軍此際寧有天日耶至請從而而不許托不敢陵天子之名夜使祭足勞王且問左右飾殷勤曲謹之節而其玩弄王室如股掌情罪益彰矣當日者以天子之兵加以四國雲附之旅豈不能覆一鄭乃徒敗

欽定四庫全書

左傳紀事本末

四

軍奔王威幾頓蓋虢為王所暱其奔也力不贍也非有貳心于鄭也若陳蔡衛則實無鬪志望旗而靡疑有同類之懼焉唐世諸藩鎮合兵討賊往往徘徊觀望不欲盡力意亦如此故繻葛之敗蔡衛陳亦不為無罪也胡文定嘉其從王末之察耳

左傳紀事本末卷二

欽定四庫全書

左傳紀事本末卷三

詹事府詹事高士奇撰

王臣之事

王朝交列國
齊附諸侯朝王併附

隱公七年初戎朝於周發幣於公卿凡伯弗賓冬王使凡伯來聘還戎伐之於楚丘以歸莊公二十九年樊皮叛王三十年春王命虢公討樊皮夏四月丙辰虢公入樊執樊仲皮歸於京師僖公十年春秋滅溫蘇欽定四庫全書

左傳紀事本末

一

子無信也蘇子叛王即狄又不能於狄狄人伐之王不救故滅蘇子奔衛文公三年夏四月乙亥王叔文公卒來赴弔如同盟禮也

梁誤

辨誤穀梁傳曰叔服也按王子虎與叔服自是二人穀

十四年春頃王崩周公閱與王孫蘇爭政故不赴凡崩薨不赴則不書禍福不告亦不書懋不敬也周公將與王孫蘇訟于晉王叛王孫蘇而使尹氏與聃啟訟周

公子晉趙宣子平王室而復之十七年秋周甘駟敗戎于邠垂乘其飲酒也宣公六年夏定王使子服求后于齊冬名桓公逆王后于齊十五年王孫蘇與名氏毛氏爭政使王子捷殺名戴公及毛伯衛卒立名襄

十六年夏成周宣榭火人火之也凡火人火曰火天火曰災為毛召之難故王室復亂王孫蘇奔晉晉人復之冬晉侯使士會平王室定王享之原襄公相禮殺烝武子私問其故王聞之召武子曰季氏而弗聞乎欽定四庫全書

左傳紀事本末

二

王享有體薦宴有折俎公當享卿當宴王室之禮也武子歸而講求典禮以修晉國之法

補遺國語晉侯使隨會聘于周定王享之烝烝原公相

禮范子私于原公曰吾聞王室之禮無毀折今此何禮也王見其語也召原公而問之原公以告王召季季曰子弗聞乎郊禘之事則有金烝王公立飫則有房烝親戚宴饗則有穀烝今女非它也而叔父使士季實來修舊德以獎王室唯是先王之宴禮欲以貽

欽定四庫全書

左傳紀事本末

三

女余一人敢設飫禘焉忠非親禮而干舊職以亂前好且唯夫戎翟則有體薦夫戎翟冒沒輕僥貪而不讓其血氣不治若禽獸焉其適來班貢不俟馨香嘉味故坐諸門外而使古人體委與之女今我王室之一二兄弟以時相見將和協典禮以示民訓則無亦擇其柔嘉選其馨香潔其酒醴品其百遵修其簋蓋奉其犧象出其尊彝陳其鼎豆靜其中幕敬其祓除體解節折而共飲食之於是乎有折俎加豆酬幣宴

貨以示容合好胡有子然其效戎翟也夫王公諸侯之有飫也將以講事成章建大德昭大物也故立成禮烝而已飫以顯物宴以食好歲飫不倦時宴不淫月會旬修日完不忘服物昭庸采飾顯明文章比象周旋序順容貌有崇威儀有則五味實氣五色精心五聲昭德五義紀宜飲食可享和同可觀財用可嘉則順而建德古之善禮者將焉用全烝武子遂不敢對而退歸乃講聚三代之典禮於是乎修執秩以為晉

法

欽定四庫全書

左傳紀事本末

四

成公元年春晉侯使瑕嘉平戎于王單襄公如晉拜成劉康公微戎將遂伐之叔服曰背盟而欺大國此必敗背盟不祥欺大國不義神人弗助將何以勝不聽遂伐茅戎三月癸未敗績于徐吾氏秋王人來告敗十一年周公楚惡惠襄之偪也且與伯與爭政不勝怒而出及陽樊王使劉子復之盟于鄆而入三日復出奔晉十二年春王使以周公之難來告書曰周公出奔晉

凡自周無出周公自出故也十三年春三月公如京師宣伯欲賜請先使王以行人之禮禮焉孟獻子從王以為介而重賄之公及諸侯朝王遂從劉康公成肅公會晉侯伐秦成子受脤于社不敬劉子曰吾聞之民受天地之中以生所謂命也是以有動作禮義威儀之則以定命也能者養之以福不能者敗以取禍是故君子勤禮小人盡力勤禮莫如致敬盡力莫如敦篤敦在養神篤在守業國之大事在祀與戎祀有執膳戎有受脤